

摘藻堂四庫全書薈要

集部

欽定四庫全書蒼要卷一萬八千六百四十

集部

御定佩文齋詠物詩選卷十八

晴類

五言古

天晴詩

晉  
湛方生

屏翳寢神轡飛廉收靈扇青天瑩如鏡凝津平似硯落  
帆脩江渚悠悠極長晒清氣朗山壑千里遙相見

開霽

梁  
簡文帝

景落商飈靖烟開四郊謚偃蹇暮山虹游揚峰下日水  
文城上動城樓水中出竟微共治功空卧淮陽秩

雨後

簡文帝

散絲與山氣忽合復俄晴雷音稍入嶺電影尚連城雨  
餘雲稍薄風收熱復生

望夕霽

梁王筠

連山卷旅雲長林息衆籟密樹含綠滋遙峰凝翠靄石  
溜正漉潺山泉始澄汰物華方入賞跂予心期會

喜晴

北周庾信

比日思光景今朝始暫逢  
雨住便生熱雲晴即作峰  
水白澄還淺花紅燥更濃  
已歡無石燕彌欲棄泥龍

雨晴

隋王胄

初晴物候涼夕景照山庄  
殘虹低飲澗新溜上侵塘  
風度蟬聲遠雲開鴈路長

初晴落景

唐太宗

晚霞聊自怡初晴彌可喜  
日是百花色風動千林翠  
池

魚躍不同園鳥聲還異寄言博通者知予物外志

奉和幽山雨後應令

唐虞世南

肅城鄰上苑黃山邇桂宮  
雨歇連峰翠烟開竟野通  
排虛翔戲鳥跨水落長虹  
日下林全暗雲收嶺半空  
山泉鳴石澗地籟響巖風

和御史韋大夫喜霽之作

唐褚亮

晴天度旅鴈斜影照殘虹  
野淨餘烟盡山明遠色同  
沙平寒水落葉脆晚枝空白  
簡光朝憶彤駟出禁中  
息駕

遊蘭坂雕文折桂叢無因輕羽扇徒自仰仁風

雨後

唐  
李百藥

晚來風景麗晴初物色華薄雲向空盡輕虹逐望斜後  
窗臨岸竹前階枕浦沙寂寥無與晤尊酒論風花

山下晚晴

唐  
崔曙

寥寥遠天淨谿路何空濛斜光照疎雨秋氣生白虹雲  
盡山色暝蕭條西北風故林歸宿處一葉下梧桐

湖中晚霽

唐  
常建

湖廣舟自輕江天欲澄霽是時清楚望氣色猶靈暄  
踟金霞白波上日初麗煙虹落鏡中樹木生天際杳杳  
涯欲辨蒙蒙雲復閉言乘星漢明又覩寰瀛勢微興從  
此愜悠然不知歲試歌滄浪清自覺乾坤細豈念客衣  
薄將期永投袂遲迴漁父問一鴈聲嘹唳

泉上雨後作

唐  
元季川

風雨蕩煩暑雷息佳霽初衆峰帶雲色清風入我廬  
颭颭涼颭來臨窺愜所圖綠蘿長新蔓裊裊垂坐隅  
流水

復檐下丹砂發清渠養葛為我衣種芋為我蔬誰是畹  
與畦彌漫連野蕪

山行積雨歸途始霽

唐  
韋應物

攬轡窮登降陰雨遘二旬但見白雲合不覩巖中春急  
澗豈易揭峻塗良難遵深林猿聲冷沮洳虎跡新始霽  
升陽景山水閱清晨雜花積如霧百卉萎已陳鳴駒屢  
驤首歸路自忻忻

同德寺雨後寄元侍御李博士  
韋應物



川上風雨來須臾滿城闕  
峒嶢青蓮界蕭條孤興發  
前山遽已淨陰靄夜來歇  
喬木生夏涼流雲吐華月  
嚴城自有限一水非難越  
相望曙河遠高齋坐超忽

秋霽

唐  
白居易

金火不相待炎涼雨中變  
林晴有殘蟬巢冷無留燕  
沈吟卷長簾愴惻收團扇  
向夕稍無泥閒步青苔院  
月出砧杵動家家擣秋練  
獨對多病妻不能理針線  
冬衣殊未製夏服行將綻  
何以迎早秋一杯聊自勸

霽後作齊梁體

唐  
曹 鄴

新霽辨草木晚塘明  
衣衿乳燕不歸宿  
雙雙飛向林微  
照露花影輕雲浮  
麥陰無人可招隱  
盡日登山吟

雨晴早出

宋  
文 同

徂秋久不雨沾濡纔  
此晨新陽淨萬物  
太虛無一塵老  
稚出曠野耕犁及  
良辰愛爾安居樂  
力作無辭貧

新晴望北山

文 同

西風吹北山晚日曬  
殘雨嵐光發巖岫  
草木纔可數翠

碧倚萬丈白雲橫一縷待訪餐霞人斯遊欲誰侶

喜晴

宋 朱子

衝飈動高柳淥水澹微波日照秋空淨雨餘寒草多  
放懷遺簿領發興託煙蘿忽念故園日東阡時一過

晚晴

元 黃潛

洩雲散積雨林水含餘清披衣有竒懷偶從林叟行  
新晴遠峰麗夕陰孤花明曠日固所虞聊茲息營營

七言古

雨後公超谷北原眺望寄高拾遺

唐  
獨孤及

崖谷雨足收清光  
洗高天虹霓斂  
殘靄山水含碧鮮  
遠空霞破露月輪  
薄雲片片成魚鱗  
五陵如薺渭如帶  
目極千里關山春  
朝來爽氣未易說  
畫取花峰贈遠人

五言律

至陳倉曉晴望京邑

唐  
盧照鄰

拂曙驅飛傳初晴  
帶曉涼霧斂  
長安樹雲消  
仙帝鄉澗

流飄素沫巖景靄朱光今朝好風色延瞰極天莊

霽後貽馬十二巽

唐 儲光義

高天風雨散清氣在園林况我夜初靜當軒鳴綠琴雲  
開北堂月庭滿南山陰不見長裾者空歌遊子吟

途中晴

唐 孟浩然

已失巴陵雨猶逢蜀坂泥天開斜景遍山出晚雲低餘  
濕猶沾草殘流尚入谿今宵有明月鄉思遠淒淒

晴

唐 杜甫

久雨巫山暗新晴錦繡文碧知湖外草紅見海東雲竟  
日鶯相和摩霄鶴數羣野花乾更落風處急紛紛

晚霽登汝南大雲閣

唐  
賈彥璋

禪宮新歇雨香閣晚登臨邑樹晴光起川苗佳氣深水  
包城下岸雲細郢中岑自歎牽車日聊開望遠心

雪晴晚望

唐  
賈島

倚杖望晴雪谿雲幾萬重樵人歸白屋寒日下危峰野  
火燒岡草斷煙生石松却迴山寺路聞打暮天鐘

晚晴

唐  
李商隱

深居俯夾城，春去夏猶清。  
天意憐幽草，人間重晚晴。  
併添高閣迥，微注小窗明。  
越鳥巢乾後，歸飛體更輕。

新秋雨霽宿王處士齋

唐  
馬戴

夕陽逢一雨，夜木洗清陰。  
露氣竹窗靜，秋光雲月深。  
煎嘗靈藥味，話及故山心。  
得意兩不寐，微風生玉琴。

春日酬韋先輩雨後見寄

唐  
劉得仁

風散五更雨，鳥啼三月春。  
軒窗透初日，硯席斷纖塵。  
箇

箇峰頭出家家樹色新  
憐君高且靜有句寄閒人

春晴

唐任翻

楚國多春雨柴門喜晚晴  
幽人臨水坐好鳥隔花鳴  
野色連空闊江流接海平  
門前向谿路今夜月分明

春晴

宋韓琦

霽色破春昏高樓日未曛  
林梢零舊雨山頂入殘雲  
醉粉勻花頰風羅皺水紋  
踏青人誤約芳思幾紛紛

山舍早起探晴

宋文同



山鳥嘒晴日獨行風滿林澗花薰野袂巖水澱幽襟側  
石驚新滑垂蘿愛近深翛然此清興不似戴華簪

輦下春晴

宋秦觀

樓閣過朝雨參差動霽光衣冠紛禁路雲氣繞宮牆亂  
絮彌天闊薦花困日長經旬牽酒伴猶未獻長楊

新晴

宋陸游

積雨已淒冷新晴還少和稼收平野闊木落遠山多土  
潤朝畦菜機鳴夜擲梭時清年歲好吾敢歎蹉跎

雨後

宋 裘萬頃

秋事雨已畢秋容晴更妍  
新香浮穠稔餘潤溢潺湲機  
杼蟲聲裏犁鋤鷺影邊  
吾生一何幸田里又豐年

雨後

金 元德明

十日山中雨今朝見夕陽  
乾坤覺清曠草棘有輝光  
竹影搖殘滴松聲送晚涼  
南窗聊自適無用說羲皇

喜秋晴

元 許衡

苦雨傷秋稼朝來忽放晴  
碧空雲盡卷滄海日初明  
久

客天涯興耕夫隴上情  
鷄豚并社酒處處是歡聲

雨霽登樓

元 張弘範

樓外雨初霽乾坤望眼明  
岸高秋漲滿簾卷暮霞生  
燕入泥香潤龍歸海氣清  
闌干殘照底一片古今情

春晴

元 葉顥

曉洞雲歸濕春山草木新  
天桃含宿雨嫩柳裊輕塵  
蝶翅寒尤怯蜂衙晚漸陳  
香風簇羅綺已有踏青人

晚晴

明 陶安

江上秋陰薄晚風生樹顛高塵卷蒼靄歸鳥度青天收  
馬平蕪野捕魚斜日船千邨新稻熟茅屋起炊煙

晚霽

明孫一元

晚來初雨霽煙火隔林微一徑牛羊入孤邨桑柘稀長  
天下遠水積霧帶巖扉月黑聞人語谿南種樹歸

新霽

明皇甫汈

澤國偏宜雨山齋復喜晴雲依飛蓋散日吐半規明蘿  
徑何嫌密花谿稍覺平還知滄海上今夜月初生

五言排律

春臺晴望

唐 鄭 蕡

追賞層臺迴登臨  
四望頻熙熙  
山雨霽處處  
柳條新草  
長秦城夕花宜漢苑春  
晴林翻度鳥  
紫陌閱行人  
旅客  
風塵厭山家  
夢寐親遷鶯  
思出谷  
騫翥待芳辰

春臺晴望

唐 闕 名

曲臺送春日  
景物麗新晴  
靄靄煙收翠  
忻忻木向榮  
靜看遲日上  
閒愛野雲平  
風慢遊絲轉  
天開近水明  
登高

塵慮息觀微道心清更有遷喬意翩翩出谷鶯

七言律

清都春霽寄胡三吳十一

唐元稹

蕊珠宮殿經微雨草樹無塵耀眼光白日當空天氣暖  
好風飄樹柳陰涼蜂憐宿霧攢芳久燕得新泥拂戶忙  
時節催年春不住武陵花謝憶諸郎

奉和翰林丁侍郎禁署早春晴望

唐

劉得仁

御林聞有早鶯聲玉檻春香九陌晴寒著霽雲歸紫閣  
暖浮佳氣動皇城宮池日到冰初解輦路風吹草欲生  
鷓侶此時皆賦詠商山雪在興尤清

春晴書事

宋 歐陽修

莫笑青州太守頑三齊人物舊安閒  
清明風日家家柳高下樓臺處處山  
嘉客但當傾美酒青春終不換顏顏  
惟慚未報君恩了昨日盧公衣錦還

秋雨初霽試筆

宋 陸游

墨入紅絲點漆濃閒將倦筆寫秋容雨聲已斷猶聞滴  
雲勢將歸別起峰斜日半穿臨水竹好風遙送隔城鐘  
遠遊更動扁舟興太息何人解見從

快晴

陸游

地闊天開斗柄回今朝紅日遍池臺新陽蘇醒春前柳  
輕暖醫治雪後梅瓦屋螺青披霧出錦江鳴綠抱山來  
老翁也逐兒童喜旋撥文書近酒杯

雨後集湖上

陸游



野水交流自滿畦  
芳池新漲恰平隄  
花藏密葉多時在  
鶯占高枝盡日啼  
繡袂寶裘催結束  
金尊翠杓共提攜  
白頭自喜能狂在  
笑襍蠻牋落醉題

新晴野步

陸游

吹盡浮雲旋作晴  
郊原高下水縱橫  
煙蕪漫漫如添色  
谷鳥關關已變聲  
迨酒賤時須痛飲  
得人扶處儘閒行  
隔湖遙指蘭亭路  
鄰叟追隨羨眼明

晴望

金郝侯

詰曲闌干面翠微  
蔥龍窗戶溢清輝  
雨侵斜日明邊過  
雲望前山缺處歸  
多事經春長止酒  
薄寒向晚却添衣  
宦游不負滄江願  
愛對陂田白鳥飛

四明山中逢晴

元戴表元

一岡一澗一縈隈  
新歲新晴始此回  
莎坂南風寅蛤出  
茅檐西日乙禽來  
人迷白路羊羣石  
水卷青天雪裏雷  
猶記深山有寒食  
梨花無數繞巖開

晚霽

元吳景奎

雨晴秋氣轉蒼涼萬籟依稀奏羽商煙抹林腰橫束素  
日迴山額半塗黃鷓鴣曬翅眠池草翡翠銜魚立野航  
霜蟹正肥新酒熟破橙宜趁野花香

春晴

明居節

金羈芳草去翩翩王謝兒郎美少年雨水已過正月後  
鶯花不隔短筇前春雲擬黛山千疊畫閣籠煙柳半天  
燕子未來寒食遠誰家庭院試鞦韆

五言絕句

初晴應教

唐虞世南

初日明燕館  
新溜滿梁池  
歸雲半入嶺  
殘滴尚懸枝

雨後

唐元稹

倦寢數殘更  
孤燈暗又明  
竹梢餘雨重  
時復拂檐驚

即事

唐司空圖

宿雨川原霽  
憑高景物新  
陂痕侵牧馬  
雲影帶耕人

棲禪暮歸書所見

宋唐庚

春著湖煙膩  
晴搖野水光  
草青仍過雨  
山紫更斜陽

山中雨後

金元德明

遶屋湍聲轉  
臨崖老樹頽  
雷轟一雨過  
雲劈兩山開

雨後

元僧善住

小園春雨後  
碧草弄輕寒  
花片無煩掃  
新泥尚未乾

六言絕句

曉枕

宋范成大

舒卷長隨天氣  
關心窗暗窗明  
日晏扶頭未起  
喚人先

問春晴

曉晴

元 朱德明

天寒欲晴猶雨曉  
色將明未明  
萬里碧雲平  
野一林落  
葉無聲

七言絕句

長安晴望

唐 杜牧

翠屏山對鳳城開  
碧落搖光霽  
後來回識六龍巡  
幸處  
飛煙閒繞望春臺

雨霽池上作

唐 韋莊

鹿巾藜杖葛衣輕  
雨歇池邊晚吹清  
正是如今江上好  
白鱗紅稻紫蓴羹

初晴

宋 王安石

幅巾慵整露蒼華  
度隴深尋一徑斜  
小雨初晴好天氣  
晚花殘照野人家

春日

宋 蘇軾

鳴鳩乳燕寂無聲  
日射西窗潑眼明  
午醉醒來無一事  
只將春睡賞春晴

追和子由去歲試舉人洛下所寄詩暴雨初晴

樓上晚景

蘇軾

白汗翻漿午景前  
雨餘風物便蕭然  
應須半熟鴛黃酒  
照見新晴水碧天

青桐道中值雨凡數里舟行久之頗有江湖之

思

宋張耒

冥冥煙外鳥飛歸  
野老得魚收網迴  
隔浦斷霞沈欲盡  
半彎新月出雲來



晴

金趙秉文

東風時送瓦溝聲  
敲枕幽窗夢自驚  
睡起不知雲已散  
夕陽偏向柳梢明

雨後

金張著

西風無意嫪纖雲  
掃盡千峰過雨痕  
一片秋光清似水  
家家空翠滿柴門

雨後

金李俊民

春雲靄靄晚空低  
飛鳥前山雨一犁  
明日却尋歸去路

馬蹄猶踏落花泥

七月八日晚晴暫出麗正門外

元

宋 裝

團團碧樹壓宮城  
白鳳門楣淡日明  
回首瓊華仙島上  
片雲猶欲妒新晴

山行值雨

宋 裝

山雨隨雲往返飛  
行時沾濕避時稀  
須臾馳過前岡去  
滿馬斜陽就曬衣

春晴

元 洪希文

鷓鴣聲歇日曛曛  
山谷谿橋暖信通  
花柳邨邨自生意  
青鞵布鞵逐春風

雨晴

元 倪 瓚

江上白蘋風起波  
冷紋縈碧暮煙和  
織成一幅鴛鴦錦  
零落紅衣遠恨多

晚晴

明 韓 奕

水國秋來少見晴  
夕陽忽暝小窗明  
西風颭颭林間葉

乍聽猶疑是雨聲

雨後

明彭年

洞底泉聲谷口聞  
望中峰色杳難分  
欲尋雨後金芝草  
更踏前峰半濕雲

御定佩文齋詠物詩選卷十八

御定佩文齋詠物詩選卷十九

欽定四庫全書薈要卷一萬八千六百四十一集部

曉類

五言古

奉和湘東王夕曉應令三韻

梁蕭子暉

步櫺光欲通曙鳥向西東  
燭滅傳餘氣帷香開曉風  
繁花無處盡惟銷寒鏡中

宿郊外曉作

隋王衡

殘星落檐外餘月罷窗東水白先分色霞暗未成紅

晨出郡舍林下

唐張九齡

晨興步北林蕭散一開襟復見林上月娟娟猶未沈片  
雲自孤遠叢篠亦清深無事由來貴方知物外心

晨興

唐白居易

宿鳥動前林晨光上東屋銅鑪添早香紗籠滅殘燭頭  
醒風稍愈眼飽睡初足起坐兀無思叩齒三十六何以  
解宿齋一杯雲母粥

宿東亭曉興

白居易

温温土爐火耿耿紗籠燭獨抱一張琴夜入東齋宿窗  
聲度殘漏簾影浮初旭頭癢曉梳多眼昏春睡足負暄  
檐宇下散步池塘曲南鴈去未迴東風來何速雪依瓦  
溝白草繞牆根綠何言萬戶州太守常幽獨

旦景

元黃庚

鷄鳴起濯髮披衣出戶牖自汲古澗泉落月猶在手三  
漱吞朝霞餘光散花柳茲意難語人延佇忽良久



舟中早行

明高啟

隆隆津鼓動江火，留餘閃人家未起耕。  
近水寒扉掩船開，鳧鴨散樹吐煙霏。  
歛東郭去方遙，青山見孤點。

齋中曉起

明林鴻

颺城鴉散瑟瑟成，鼓絕空庭寂無人。  
衣上有殘月清池盥，漱罷高韻風中發。  
爽氣山前來，吾襟抱冰雪。

長短句

東方半明

唐韓愈

東方半明大星沒獨有太白配殘月嗟爾殘月勿相疑  
同光共影須臾期殘月輝輝太白睽睽鷄三號更五點  
五言律

酬杜五弟晴朝獨坐見贈

唐李嶠

平明坐虛館曠望幾悠哉宿霧分空盡朝光度隙來影  
低藤架密香動藥欄開未展山陽會空留池上杯

朝

唐杜甫

浦帆晨初發郊扉冷未開邨疎黃葉墜野靜白鷗來礎

潤休全濕雲晴欲半迴巫山冬可怪昨夜有奔雷

曉望

杜甫

白帝更聲盡陽臺曙色分高峰寒上日疊嶺宿靈雲地  
坼江帆隱天清木葉聞荆扉對麋鹿應共爾為羣

西池晨望

唐  
羊士諤

起來林上月瀟灑故人情鈴閣人何事蓮塘曉獨行衣  
沾竹露爽茶對石泉清鼓吹前賢薄羣蛙試一鳴

欲曙

唐  
元稹

江隄閱暗流，漏鼓急殘籌。  
片月低城堞，稀星轉角樓。  
鶴媒華表上，鷓鴣柳枝頭。  
不為來趨府，何因欲曙遊。

早歸

元稹

春靜曉風微，凌晨帶酒歸。  
遠山籠宿霧，高樹影朝暉。  
飲馬魚驚水，穿花露滴衣。  
嬌鶯似相惱，含嚀傍人飛。

初冬早起寄夢得

唐

白居易

起戴烏紗帽，行披白布裘。  
爐溫先煖酒，手冷未梳頭。  
早起戴烏紗帽，行披白布裘。  
爐溫先煖酒，手冷未梳頭。  
早景煙霜白，初寒鳥雀愁。  
詩成遣誰和，還是寄蘇州。

曉起

唐  
李商隱

擬杯當曉起呵鏡可微寒  
隔箔山櫻熟褰帷桂燭殘  
書長為報晚夢好更尋難  
影響輸雙蝶偏過舊畹蘭

晨起

唐  
許渾

桂樹綠層層風微寒露凝檐楹  
銜落月幃幌映殘燈  
蘆簟曙香冷越鉗秋水澄  
心閒即無事何異住山僧

天街曉望

許渾

明星低未央蓮闕迴蒼蒼  
疊鼓催殘月疎鐘迎早霜  
關

防浮瑞氣宮館耀神光再拜為君壽南山高且長

曉望

唐杜牧

獨起望山色水鷄鳴蓼州房星隨月曉楚木向雲秋曲  
岸疑江盡平沙似浪浮秦原在何處澤國碧悠悠

晨起

唐曹松

曉色教不睡卷簾清氣中林殘數枝月髮冷一梳風並  
鳥聞鐘語敲荷隔霧空莫徒營白日道路本無窮

春朝

宋韓維

燕語聞多日，蠶眠過幾宵。  
花深不辨蝶，柳暗欲迷橋。  
便面金環重，障泥玉勒驕。  
黃公酒壚上，誰貫阮孚貂。

五言排律

賦得晨光動翠華

唐 闕名

早朝開紫殿，佳氣逐清晨。  
北闕華旌在，東方曙景新。  
影連香霧合，光媚慶雲頻。  
烏羽飄初定，龍文照轉真。  
直宜環珮入，長愛冕旒親。  
搖蕩祥雲裏，朝朝映侍臣。

七言律

長安曉望寄崔補闕

唐包何

迢遞山河擁帝京參差宮殿接雲平  
風吹曉漏經長樂柳帶晴霞出禁城  
天淨笙歌臨路發日高車馬隔塵行  
自憐久滯諸生列未得金閨籍姓名

早興

唐白居易

晨光出照屋梁明初打開門鼓一聲  
犬上階眠知地濕鳥臨窗語報天晴  
半銷宿酒頭仍重新脫冬衣體乍輕  
睡覺心空思想盡近來鄉夢不多成



早夏曉興贈夢得

白居易

窗明簾薄透朝光，  
卧整巾簪起下牀。  
背燈殘經宿燄，  
開箱衣帶隔年香。  
無情亦任他春去，  
不醉爭銷得晝長。  
一部清商一壺酒，  
與君明日暖新堂。

奉和魯望曉起迴文

唐皮日休

孤煙曉起初原曲，  
碎樹微分半浪中。  
湖後釣筒移夜雨，  
竹傍眠几側晨風。  
圖梅帶潤輕霑墨，  
畫蘚經蒸半失紅。  
無事有杯持永日，  
共君唯好隱牆東。

曉詠

宋 歐陽修

簾外星辰逐斗移，紫河聲轉下雲西。  
九雛烏起城將曙，百尺樓高月易低。  
露浥蘭苔惟有淚，秋荒桃李不成蹊。  
西堂吟思無人助，草滿池塘夢自迷。

冬曉

宋 陸游

恩免宵興趁曉班，養慵終覺愧吾顏。  
浮名半世虛催老，高卧何時復得閒。  
兩岸夕陽漁浦市，數峰寒靄沃洲山。  
扁舟來往無窮樂，此事天公豈所慳。

曉坐

陸游

低枕孤衾夜氣存披衣起坐默忘言  
拚花力盡無風墮  
爐火灰深到曉溫空索時時聞鼠齧小窗一一送鴉翻  
悠然忽記幽居日下榻先開水際門

海子上即事

元李材

馳道塵香逐玉珂彤樓花暗弄雲和  
光風已轉瀛洲草  
細雨微添太液波月榭管絃鳴曙早  
水亭簾幕受寒多  
少年莫動傷春感喚取青娥對酒歌

早起

元黃潛

漠漠晴檐散薄雲，獨搔短髮立清晨。  
春風入樹無行迹，曉月窺簾欲近人。  
旋覺新吟隨夢寐，不知清露濕衣巾。  
何人正踏長安陌，想見看花拂面塵。

五言絕句

詠曉

唐韋應物

軍中始吹角，城上河初落。  
深沈猶隱帷，晃朗先分閣。

春早

唐韋莊

聞鶯纔覺曉閉戶已知晴一帶窗間月斜穿枕上明

早起

唐曹鄴

月墮滄浪西開門樹無影此時歸夢闌立在梧桐井

春曉

明李敏

翠閣臨春浦蓬門驚曙鴉水明殘夜月雲傍隔谿花

七言絕句

曉眠後寄楊戶部

唐白居易

軟綾腰褥薄緜被涼冷秋天穩暖身一覺曉眠殊有味

無因寄與早朝人

西湖曉行

明僧清澹

海角曛曛日欲生  
山南山北淡煙橫  
春風吹斷沙禽夢  
人在綠楊隄上行

御定佩文齋詠物詩選卷十九

御定四庫全書薈要卷一萬八千六百四十二

集部

夜類

五言古

秋夜

宋武帝

局景薄西隅  
升月照東垂  
肅肅風盈幕  
泫泫露傾枝  
側聞飛壺急  
坐見河宿移  
覩辰念節變  
感物矜長離

奉和隨王殿下

齊謝朓



清房洞已靜閒風伊夜來雲生樹陰遠軒廣月容開宴  
私移燭飲遊賞藉琴臺風猷冠淄鄴衽烏愧唐枚

和湘東王春宵三韻

梁簡文帝

花樹含春叢羅帳夜長空風聲隨篠韻月色與池同彩  
箋徒自襞無信往雲中

元圃寒夕

簡文帝

洞門扉未掩金壺漏已催曛煙生澗曲暗色起林隈雪  
花無有帶冰鏡不安臺階楊始倒插浦桂半新栽陳根

委落蕙細蕊發香梅鴈去銜蘆上猿戲繞枝來

秋夜

梁沈約

月落宵向分紫煙鬱氛氲曠曠螢入霧離離鴈度雲  
巴童暗理瑟漢女夜縫袞新知樂如是久要詐相聞

遙夜吟

梁宗夬

遙夜復遙夜遙夜憂未歇坐對風動帷卧見雲間月

和吳主簿秋夜

梁王筠

九重依夜館四壁慘無暉招搖顧西落烏鵲向東飛  
流

螢漸收火絡緯欲催機爾時思錦字持製行人衣所望  
丹心達嘉客儻能歸

和衡陽王秋夜

陳張正見

睢苑涼風舉章臺雲氣收螢光連燭動月影帶河流綠  
綺朱絃泛黃花素蟻浮高軒揚麗藻即是賦新秋

遼東山夜臨秋

唐太宗

煙生遙岸隱月落半崖陰連山驚鳥亂隔岫斷猿吟

夕次圃田店

唐祖詠

前路入鄭郊尚經百餘里馬煩時欲歇客歸程未已落  
日桑柘陰遙却煙火起西還不遑宿中夜渡涇水

秋夜

唐

韋應物

庭樹轉蕭蕭陰蛩還戚戚獨向高齋眠夜聞寒雨滴微  
風時動牖殘燈尚畱癖惆悵平生懷偏來委今夕

閒夕

唐

白居易

一聲早蟬發數點新螢度蘭缸耿無煙筠簟清有露未  
歸後房寢且下前軒步斜月入低廊涼風滿高樹放懷

常自適遇境多成趣何法使之然心中無細故

晚涼偶詠

白居易

日下西牆西風來北窗北中有逐涼人單牀獨棲息飄  
蕭過雲雨搖曳歸飛翼新葉多好陰初筠有佳色幽深  
小池館優穩閒官職不愛勿復論愛亦不易得

夜賦

宋朱子

暗窗螢影亂秋幃露氣深羣籟喧已寂青天但沈沈惻  
愴懷高侶幽默抱冲襟遙憶忘言子一寫山水音

七言古

附長短句

長夜謠

晉  
夏侯湛

日暮兮初晴天灼灼兮遐清披雲兮歸山垂景兮照庭  
列宿兮皎皎星稀兮月明倚檐隅以逍遙兮盼太虛以  
仰觀望閭闔之昭晰兮麗紫微之暉煥

舟夜

宋  
蘇軾

微風蕭蕭吹菰蒲開門看雨月滿湖舟人水鳥兩同夢  
大魚驚竄如奔狐夜深人物不相管我獨形影相嬉娛

暗潮生渚弔寒蛭落月挂柳看懸珠此生忽忽塵務裏  
清境過眼能須史雞鳴鐘動百鳥散船頭擊鼓還相呼

擬古秋夜長

元張昱

雲中鴻鴈過門前朔風起梧桐葉落金井頭月照烏啼  
天似水誰家機上織迴文夜聽啼鳥如不聞明朝為遣  
安南使細意緘題持贈君

五言律

冬宵各為四韻

唐太宗

雕宮靜龍漏綺閣宴公侯珠簾燭燄動繡柱月光浮雲  
起將歌發風停與管適瑣除任多士端宸復何憂

暝

唐  
杜甫

日下四山陰山庭嵐氣侵牛羊歸徑險鳥雀聚枝深正  
枕當星劔收書動玉琴半扉開燭影欲掩見清砧

月夜會徐十一草堂

唐  
韋應物

空齋無一事岸幘故人期暫輟觀書夜還題翫月詩遠  
鐘高枕後清露卷簾時暗覺新秋近殘河欲曙遲



晚望

唐  
戴叔倫

山氣碧氤氳  
深林帶夕曛  
人歸孤嶂晚  
犬吠隔谿雲  
杉竹何年種  
煙塵此地分  
桃源寧異此  
猶恐世間聞

訓程延秋夜即事見贈

唐  
韓翃

長簾迎風早  
空城澹月華  
星河秋一鴈  
砧杵夜千家  
節候看應晚  
心期卧亦賒  
向來吟秀句  
不覺已鳴鴉

秋晚

唐  
白居易

煙景淡濛濛  
池邊微有風  
覺寒螢近壁  
知暝鶴歸籠  
長

貌隨年改閒情與物同  
夜來霜厚薄梨葉半低紅

夜

白居易

斜月入前楹迢迢夜坐情  
梧桐上階影蟋蟀近牀聲  
曙傍窗間至秋從簟上生  
感時因憶事不寢到雞鳴

晚興

白居易

極浦收殘雨高城駐落暉  
山明虹半出松暗鶴雙歸  
將吏隨衙散文書入務稀  
閒吟倚新竹筠粉污朱衣

偶眠

白居易

放杯書案上枕臂火爐前老愛尋思事慵多取次眠妻  
教卸烏帽婢與展青氈便是屏風樣何勞畫古賢

詶夢得窮秋夜坐即事見寄  
白居易

燄細燈將盡聲遙漏正長老人秋向火小女夜縫裳菊  
悴籬經雨萍銷水得霜今冬煖寒酒先擬共君嘗

人定  
白居易

人定月朧明香銷枕簟清翠屏遮燭影紅袖下簾聲坐  
久吟方罷眠初夢未成誰家教鸚鵡故故語相驚

秋雨夜眠

白居易

涼冷三秋夜安閒一老翁  
卧遲燈滅後睡美雨聲中  
灰宿溫瓶火香添暖被籠  
曉晴寒未起霜葉滿階紅

湖中閒夜遣興

唐朱慶餘

釣艇同琴酒良宵背水濱  
風波不起處星月盡隨身  
浦迴湘煙卷林香岳氣春  
誰知此中興寧羨五湖人

秋夕

唐李咸用

寥廓秋雲薄空庭月影微  
樹寒棲鳥密砌冷夜蛩稀  
曉

鼓軍容肅疎鐘客夢歸吟餘何所憶聖主尚宵衣

春宵自遣

唐李商隱

地勝遺塵事身閒念歲華晚晴風過竹深夜月當花石  
亂知泉咽苔荒任徑斜陶然恃琴酒忘却在山家

長安夜坐懷寄湖外嵇處士

唐鄭谷

萬里念江海浩然天地秋風高羣木落夜久數星流鐘  
絕分宮漏螢微隔御溝遙思洞庭上葦露滴漁舟

山中寒夜呈許棠

唐曹松

山寒草堂暖寂夜有良朋讀易分高燭煎茶取折冰庭  
垂河半角窗露月微稜俱入詩心地爭無俗者憎

建昌渡暝吟

唐  
韋莊

月照臨官渡鄉情獨浩然鳥棲彭蠡樹月上建昌船市  
散漁翁醉樓深賈客眠隔江何處笛吹斷綠楊煙

信州谿岸夜吟作

韋莊

夜倚臨谿店懷鄉獨苦吟月當山頂出星倚水湄沈霧  
氣漁燈冷鐘聲谷寺深一城人悄悄琪樹宿仙禽

湖邨晚興

宋林逋

滄洲白鳥飛山影落晴暉映竹犬初吠弄船人各歸水  
波隨月動林翠帶煙微寺近疎鐘起蕭然還掩扉

深夜

宋孔平仲

閒寂方深夜清涼別一天臨風但獨立愛月不成眠戍  
漏傳聲小庭柯轉影圓露寒侵背側移榻近堂前

江亭晚眺

宋王安石

日下崦嵫外秋生沆碭閒清江無限好白鳥不勝閒雨

過雲收嶺天空月上灣歸鞍侵調角回首六朝山

夜吟呈趙東巖

宋戴復古

汲井漱殘酒行吟到夜分一軒清似洗萬籟寂無聞風  
送迎秋雨天收翳後雲雞鳴庭戶白人又紛紛

夜

金周昂

門巷谿聲爽衣裳夜氣蘇地清林影散月靜桂華孤左  
省詩頻詠南樓興不辜關山冰雪裏何處覓天隅

夏夜

金史肅



一雨昭蘇外羣山宴寂中移牀就佳月引袂納涼風蝸  
舍憐渠小蚊雷訝許同幽懷悶清境舒嘯意將終

江邨晚景

元葉顯

野水谿橋外荒邨八九家雨晴漁網曬風定酒旗斜紅  
樹霜江葉黃蘆月岸花何當從此隱重整釣雲槎

夜

明何景明

地遠柴門靜天高夜氣淒寒星臨水動片月向沙低入  
室喧蟲語張燈住鳥啼自然幽意愜不是戀深棲

五言排律

奉和宣城張太守南亭秋夕懷友

唐錢起

池館蟬蛩聲梧桐秋露晴月臨朱戟靜河近畫樓明卷  
幔浮涼入聞鐘永夜清片雲懸曙斗數鴈過秋城羽扇  
揚風暇瑤琴寄別情江山飛麗藻謝朓讓前名

七言律

夜歸

唐白居易

半醉閒行湖岸東，馬鞭敲鐙響瓏璁。  
萬株松樹青山上，十里沙隄明月中。  
樓閣漸移當路影，潮頭欲過滿江風。  
歸來未放笙歌散，畫戟門開蠟燭紅。

晚自東郭回畱一二遊侶

唐許渾

鄉心迢遞宦情微，吏散尋幽竟落暉。  
林下草腥巢鷺宿，洞前雲濕雨龍歸。  
鐘隨野艇回孤棹，鼓絕山城掩半扉。  
今夜西齋好風月，一瓢春酒莫相違。

南庭夜坐貽開元禪定二道者 許渾

暮暮焚香何處宿西巖一室映疎藤光陰難駐跡如客  
寒暑不驚心是僧高閣有風聞夜磬遠山無月見秋燈  
身閒境靜日為樂若問其餘非我能

秋夜作

唐  
李昌符

數畝池塘近杜陵秋天寂寞夜雲凝芙蓉葉上三更雨  
蟋蟀聲中一點燈跡避險巇翻失路心歸閒澹不因僧  
既逢上國陳詩日長守林泉亦未能

夏夕

宋  
文同

池館蕭然夏欲分  
滿林蟲鳥寂無聞  
風吹松子下如雨  
月照藕花繁若雲  
泉作小灘聲浙瀝  
筍成新竹氣氤氳  
清陰正覆吟詩石  
更引高梧拂練裙

早秋南堂夜興

宋陸游

水注橫塘藻荇香  
候蟲唧唧滿空廊  
風前落葉紛可掃  
天際疎星森有芒  
夜漏漸長愁少睡  
秋衣未製怯新涼  
明朝知有欣然處  
寫得黃庭又幾行

晚眺

陸游

秋晚閒愁抵酒濃  
試尋高處倚枯筇  
雲歸時帶雨數點  
木落又添山一峰  
鳴鴈沙邊驚客櫓  
行僧煙際認樓鐘  
箇中詩思來無盡  
十手傳抄畏不供

涼夜

元戴表元

涼入虛堂睡思濃  
夜深剪盡燭花紅  
光搖珠箔梧桐月  
香透紗幮未利風  
敲枕覺來人不寐  
撚鬚吟罷句難工  
小蠻問我詩成未  
詩在池塘夢草中

郭外夜歸

明吳學禮

草田高下亂蟲鳴涼襲衣襟夜氣清河漢橫秋平野闊  
山窗無月一燈明孤蓬倦倚難成夢宿鳥相呼忽轉更  
近郭不妨歸近夜到門猶有讀書聲

五言絕句

山扉夜坐

唐  
王勃

抱琴開野室攜酒對情人林塘花月下別是一家春

五言夜集聯句

唐  
顏真卿

寒花護月色墜葉占風音茲夕無塵慮高雲共片心

詠夜

唐  
韋應物

明從何處去暗從何處來但覺年年老半是此中催

月夕

唐  
僧貫休

霜月夜徘徊樓中羌管催曉風吹不盡江上落殘梅

同闕彥舉南湖晚步

元  
郝經

荷花臨水殿綺月轉簾腰晚吹動銀管暮涼生翠綃

夜坐

元  
黃潛

涼風動千里孤坐思滄洲白露洗明月青天此夜秋



七言絕句

答令狐士曹獨孤兵曹聯騎暮歸望山見寄

唐

韋應物

共愛青山住近南  
行牽吏役背雙驂  
拄書獨宿對流水  
遙羨歸時滿夕嵐

嘉陵夜有懷

唐

白居易

露濕牆花春意深  
西廊月上半牀陰  
憐君獨卧無言語  
惟我知君此夜心

其二

不明不暗朧朧月非煖非寒慢慢風獨卧空牀好天氣  
平明閒事到心中

遊城南畱元九李二十晚歸

白居易

老遊春飲莫相違不獨花稀人亦稀更勸殘杯畱日影  
猶應趁得鼓聲歸

秋房夜

白居易

雲露青天月漏光中庭立久却歸房水窗席冷未能卧

挑盡殘燈秋夜長

東城晚歸

白居易

一條筇杖懸龜榼  
雙角吳童控馬銜  
曉入東城誰識我  
短靴低帽白蕉衫

舊房

白居易

遠僻秋聲蟲絡絲  
入檐新影月低眉  
牀帷半故簾旌斷  
仍是初寒欲夜時

夜深行

唐  
元稹

夜深猶自遶江行  
震地江聲似鼓聲  
漸見戍樓疑近驛  
百牢關吏火前迎

夜坐

唐  
賈島

蟋蟀漸多秋不淺  
蟾蜍已沒夜應深  
三更兩鬢幾絲雪  
一念雙峰四祖心

昨夜

唐  
李商隱

不辭鴝鳩妒年芳  
但惜流塵暗洞房  
昨夜西池涼露滿  
桂華吹斷月中香

和襲美寒夜文宴潤卿有期不至

唐  
陸龜蒙

細雨輕觴玉漏終  
上清詞句落吟中  
松齋一夜懷貞白  
霜外空聞五粒風

街西晚歸

唐  
鄭谷

御溝春水繞閒坊  
信馬歸來傍短牆  
幽榭名園臨紫陌  
晚風時帶牡丹香

春夜

宋  
蘇軾

春宵一刻直千金，花有清香月有陰。  
歌管樓臺聲細細，鞦韆院落夜沈沈。

夜行

宋 晁冲之

老去功名意轉疎，獨騎瘦馬問田廬。  
孤邨到曉猶燈火，知有人家夜讀書。

春雨絕句

宋 陸游

蕭條冬令侵春晚，淅瀝寒聲滴夜長。  
更事老翁頑到底，每言宜睡好燒香。

旅夜

元于石

擁爐兀兀坐成睡  
夢到家山人不知  
半夜酒醒還是客  
一庭黃葉雨來時

涼夜

元郭鈺

竹外涼風畱晚坐  
驚斷蛩聲山葉墮  
天河何處是雙星  
新月纖纖碧雲破

晚步

元葉顥

偶隨芳草躡斜暉  
石徑雲深翠滴衣  
兩袖天風明月上

杖頭挑得樹陰歸

夜坐

明陳顥

寒來塵緒不關情  
吟對青燈過二更  
落葉滿庭風滿樹  
小窗無處著秋聲

宮詞

明俞允文

鳳城門外踏歌聲  
院院燒燈綵眊睛  
宣與內家分夜直  
每從花裏聽交更



御定佩文齋詠物詩選卷二十

欽定四庫全書蒼叢要卷一萬八千六百四十三

集部

御定佩文齋詠物詩選卷二十一

寒類

五言古

寒江吟

唐孟郊

冬至日光白始知陰氣凝寒江波浪凍千里無平冰飛  
鳥絕高羽行人皆晏興荻洲素浩渺碕岸澌礮煙舟  
忽自阻風帆不相乘何況異形體信任為股肱涉江莫

涉凌得意須得朋  
結交非賢良誰免生  
愛憎凍水有再浪  
失飛有載騰一言縱  
醜詞萬響無善應  
取鑒諒不遠江水  
千萬層何當春風  
吹利涉吾道弘

苦寒吟

孟郊

天寒色青蒼北風  
叫枯桑厚冰無裂  
文短日有冷光敲  
石不得火壯陰正  
奪陽調苦竟何言  
凍吟成此章

寒

唐元稹

江瘴節候煖臘初  
梅已殘夜來北風  
至喜見今日寒扣

冰淺塘水擁雪深竹欄復此滿樽醪但呼誰與歡

負暄

宋 劉子翬

宵寒卧增裯晝寒起增衣何如負暄樂高堂日暉暉引  
光靡盡闢追影榻屢移妙趣久乃酣閉目潛自知初如  
擁紅爐凍粟消頑肌漸如飲醇醪暖力中融怡欠伸百  
骸舒爬搔隨意為稍回驕佚氣頓改酸寒姿薰然沐慈  
仁天恩豈余私願披橫空雲四海同熙熙矯首望扶桑  
傾心效園葵

六言古

寒苦謠

晉夏侯湛

惟立冬之初夜天慘凜以降寒霜皚皚以被庭冰澹瀕  
於井榦草槭槭以疏葉木蕭蕭以零殘松隕葉於翠條  
竹摧柯於綠竿

七言古

前苦寒行

唐杜甫

去年白帝雪在山今年白帝雪在地凍埋蛟龍南浦縮

寒刮肌膚北風利楚人四時皆麻衣楚天萬里無晶輝  
三尺之烏足恐斷羲和送將何所歸

五言律

晚寒

唐

白居易

急景流如箭淒風利似刀暝催雞翅斂寒束樹枝高縮  
水濃和酒加緜厚絮袍可憐冬計畢煖卧醉陶陶

早寒

白居易

黃葉聚牆角青苔圍柱根被經霜後薄鏡遇雨來昏半

捲寒檐幕斜開暖閣門迎冬兼送老只仰酒盈樽

歲晚苦寒

唐方干

地氣寒不暢嚴風無定時挑燈青燼少呵筆尺書遲白  
兔沒已久晨雞僵未知佇看開聖歷暄煦立為期  
壬辰九月二十三日天氣始寒以詩記之

宋唐庚

朝來怪底冷前此已重陽漸逼袴襦節稍聞灰火香煙  
嵐向冬淨橘柚得霜黃嶺表雖多暑天時亦有常

七言律

苦寒

宋 孔武仲

晨風獵獵卷書堂坐愛松筠耐雪霜  
歲律崢嶸催暮景時光宛轉偏新陽  
金卮滿引顏雖解石火深籠燄不長  
安得仙家却寒術吸噓霞氣赤城傍

初寒

宋 陸游

船尾寒風不滿旗江邊叢祠常掩扉  
行人畏虎少晨起舟子捕魚多夜歸  
茅葉翻翻帶宿雨葦花漠漠弄斜暉



傷心到處聞砧杵九月今年未授衣

五言絕句

寒夜作

元 揭傒斯

疎星凍霜空流月濕林薄虛館人不眠時聞一葉落

七言絕句

春寒

宋 文同

東風何事力猶微凜凜邊寒上客衣舊雪未消新雪下  
南園春色幾時歸

春寒

宋王越

二月邊城雪尚飛  
年年草色見春遲  
不知上苑新桃李  
開到東風第幾枝



御定佩文齋詠物詩選卷二十一



總校官庶吉士臣侍朝

校對官中書臣王璜

謄錄監生臣蔡炎林

謄錄監生臣施銑

欽定四庫全書薈要

集部

御定詠物詩選卷二十四

二至

詳校官原任主事 李斯咏

欽定四庫全書蒼要卷一萬八千六百四十四

集部

御定佩文齋詠物詩選卷二十二

暑類

五言古

嘲熱客

魏程曉

平生三伏時道路無行車閉門避暑卧出入不相過今  
世襖襪子觸熱到人家主人聞客來顰蹙奈此何謂當  
起行去安坐正咨嗟所說無一急啻哈一何多疲瘵向

雜

雜

之久甫問君極那搖扇臂中疼流汗正滂沱莫謂為小事亦是一大瑕傳戒諸高明熱行宜見呵

苦熱行

梁簡文帝

六龍驚不息三伏起炎陽寢興煩几案俯仰倦幃牀滂沱汗似鑠微靡風如湯洄池媿玉浪蘭殿非含霜細簾時半卷輕幌乍橫張雲斜花影沒日落荷心香願見洪崖井詎憐河朔觴

夏詩

梁徐勉

夏景厭房櫳促席翫花叢荷陰斜合翠蓮影對分紅此  
時避炎熱清樽獨未空

苦暑

梁  
王筠

日坂散朱雱天隅斂青靄飛颺煥南陸炎津通北瀨繁  
星聚若珠密雲屯似益月至每開襟風過時解帶

苦暑

梁  
劉孝威

暮日苦炎溽遷坐接階廊月麗姮娥影星含織女光棲  
禽動夜竹流螢出暗牆香盤糝鮮粉雕壺承玉漿白羽



徒垂握綠水自周堂弱紉猶覺重織締尚少涼弄風思  
漢朔戲雨憶吳王玄冰術難驗赤道漏猶長誰能更吹  
律還令黍谷涼

苦熱行

北周

庾信

火井沉熒散炎洲高燄通鞭石未成雨鳴鳶不起風思  
為鸞翼扇願借明光宮臨淄迎子禮中散就安豐美酒  
含蘭氣甘瓜開蜜筒寂寥人事屏還得隱牆東

夏日應令

庾信

朱簾捲麗日翠幕蔽重陽五月炎氣蒸三時刻漏長麥  
隨風裏熟梅逐雨中黃開冰帶井水和粉雜生香衫含  
蕉葉氣扇動竹花涼早菱生軟角初蓮開細房願陪仙  
鶴舉洛浦聽笙簧

毒熱寄簡崔評事十六弟

唐杜甫

太暑運金氣荆揚不知秋林下有塌翼水中無行舟千  
室但掃地閉關人事休老夫轉不樂旅次兼百憂蝮蛇  
暮偃蹇空牀難暗投炎宵惡明燭况乃懷舊丘開襟仰

內弟執熱露白頭束帶負芒刺接居成阻修何當清霜  
飛會子臨江樓載聞大易義諷詠詩家流蘊藉異時輩  
檢身非苟求皇皇使臣體信是德業優楚材擇杞梓漢  
苑歸驂駟短章達我心理為識者籌

自朔方還與鄭式瞻崔稱鄭子周岑贊同會法

雲寺三門避暑

唐李益

予本疎放士竭來非外矯忽落邊城中愛山見山少始  
投清涼宇門值煙岫表參差互明滅彩翠竟昏曉泠泠

遠風來過此羣木杪  
英英二三彥襟曠去煩撓  
游川出  
潛魚息陰勸飛鳥狗物不可窮  
唯于此心了

夏夜苦熱登西樓

唐柳宗元

苦熱中夜起登樓  
獨褰衣山澤凝暑氣  
星漢湛光輝  
火晶燥露滋  
野靜停風威  
採湯汲陰井  
煬竈開重扉  
憑闌久徬徨  
流汗不可揮  
莫辨亭毒意  
仰訴璿與璣  
諒非姑射子  
靜勝安能希

何處堪避暑

唐白居易

何處堪避暑林間背日樓何處好追涼池上隨風舟日  
高飢始食食竟飽還遊遊罷睡一覺覺來茶一甌眼明  
見青山耳醒聞碧流脫襪閒濯足解巾快搔頭如此來  
幾時已過六七秋從心至百骸無一不自由拙退是其  
分榮耀非所求雖被世間笑終無身外憂此語君莫怪  
靜思我亦愁如何三伏月揚尹謫虔州

天竺寺七葉堂避暑

白居易

鬱鬱復鬱鬱伏熱何時畢行入七葉堂煩暑隨步夫檐

雨稍霏微窗風正蕭瑟清宵一覺睡可以銷百疾

旱熱

白居易

彤雲散不雨赫日吁可畏端坐猶揮汗出門豈容易忽  
思公府內青衫折腰吏復想驛路中紅塵走馬使征夫  
更辛苦逐客彌顛顛日入尚趨程宵分不遑寐安知北  
窗叟偃卧風颭至簟拂碧魚鱗扇搖白鶴翅豈惟身所  
得兼示心無事誰言苦熱天元有清涼地

其二

勃勃旱塵氣炎炎赤日光飛禽颭將墮行人渴欲狂壯  
者不耐飢飢火燒其腸肥者不禁熱喘急汗如漿到此  
方自悟老瘦亦何妨肉輕足健逸髮少頭清涼薄食不  
飢渴端居省衣裳數匙梁飯冷一領綃衫香持此聊過  
日焉知畏景長

七月一日出城舟中苦熱

宋蘇軾

涼颭呼不來流汗方被體稀星乍明滅暗水光瀰瀰香  
風過蓮芡驚枕裂魴鯉欠伸宿酒餘起坐濯清泚火雲

勢方壯未受月露洗身微欲安適坐待東方啟

大熱

宋  
戴復古

左手遮赤日右手招清風揮汗不能已扇笠競要功  
南山龍吐雲騰騰滿虛空一雨變清涼萬物隨疏通  
向人無德色大哉造化工

七言古

苦熱行

宋  
文同

黃人頓駕畱天中金鴉吐火當碧空炎光染雲聳岌岌



旱氣爍土飛蓬蓬  
龍搖乾胡不作雨  
虎引渴吻無生風  
安得有術劈海水  
入底一扣鮫人宮

五言律

熱

唐杜甫

雷霆空霹靂雲雨竟  
虛無炎赫衣流汗  
低垂氣不蘇  
乞為寒水玉願作冷秋菰  
何似兒童歲風涼出舞雩

其二

瘴雲終不散瀘水復西來  
閉戶人高卧歸林鳥却迴  
峽

中都似火江上只虛雷想見陰宮雪風門颯沓開

僧房避暑

唐嚴維

支公好閒寂庭宇愛林篁幽曠無煩暑恬和不可量  
蕙風清水殿荷氣雜天香明月談空坐恬然道術忘

消暑

唐白居易

何以消煩暑端居一院中眼前無長物窗下有清風  
熱散由心靜涼生為室空此時身自得難更與人同

同崔峒補闕慈恩寺避暑

唐盧綸

寺涼高樹合卧石綠陰中伴鶴慚仙侶依僧學老翁魚  
沉荷葉露鳥散竹林風始悟塵居者應將火宅同

暑景

宋  
蘇舜欽

溽暑倦幽齋縱橫書亂堆風多應秀麥雨密不黃梅乳  
燕並頭語紅葵相背開吟餘晴月上涼思入尊壘

北園避暑

宋  
文同

繚繞度迴塘紆餘轉短牆引筇聊散誕入竹得清涼正  
午禽蟲靜初晴果木香移牀就高處更欲解衣裳

豫章東湖避暑

宋戴復古

行坐自徜徉吟聲繞屋梁  
曉煙濕柳色晨露發荷香  
以我一心靜叅他六月涼  
淵明知此意高卧到羲皇

山亭避暑

宋真山民

怕礙清風入丁寧莫下簾  
地皆宜避暑人自要趨炎  
竹色水千頃松聲風四檐  
此中有幽致多取未傷廉

五言排律

和長孫秘監伏日苦熱

唐任希古

玉署三時曉金羈五日歸北林開逸徑東閣敞閒扉池  
鏡分天色雲峰減日輝游鱗映荷聚驚翰遶林飛披襟  
揚子宅舒嘯仰重闈

苦熱

唐  
司空曙

暑氣發炎州焦煙遠未收嘯風兼熾艷揮汗訝成流鶴  
鵲投林盡龜魚擁石稠漱泉齋飲耐衣葛劇兼裘長簟  
貪敲枕輕巾懶挂頭招商如有曲一為取新秋

七言律

早秋苦熱堆案相仍

唐杜甫

七月六日苦炎蒸對食暫餐還不能每愁夜中自足蝎  
况乃秋後轉多蠅束帶發狂欲大叫簿書何急來相仍  
南望青松架短壑安得赤脚踏層冰

夏日與閑禪師坐林下避暑

唐白居易

落景牆西塵土紅伴僧閒坐竹泉東綠蘿潭上不見日  
白石灘邊長有風熱鬧漸知隨念盡清涼常願與人同  
每因毒暑悲親故幾在炎方瘴海中

北塘避暑

宋 韓琦

盡室林塘滌暑煩  
曠然如不在塵寰  
誰人敢議清風價  
無樂能過白日閒  
水鳥得魚長自足  
嶺雲含雨只空還  
酒闌何物醒魂夢  
萬柄蓮香一枕山

次韻程給事郡齋秋暑

宋 趙抃

老為鄉郡止偷安  
自媿仙蹤未易攀  
八面松陰籠古寺  
三秋桂子下靈山  
良朋寄意詩篇裏  
高會追歡夢寐間  
却憶會稽清曠處  
樵風朝暮若耶灣

和晁應之大暑書事一首

宋張耒

蓬門久閉謝來車畏暑尤便小閣虛青引嫩苔留鳥篆  
綠垂殘葉帶蟲書寒泉出井功何有白羽邀涼計已疎  
忍待西風一蕭颯碧鱸銀鱠意何如

龜堂初暑

宋陸游

淪漪一曲遶茅堂葛帳紗巾喜日長多事林鳩管晴雨  
依人海燕度炎涼深枝著子纍纍熟幽草開花冉冉香  
安得此時江海上與君袖手看人忙



苦熱

元方夔

六月紅雲不肯移，清心自合勝炎曦。  
雲根劖藥移松骨，石罅分泉插木皮。  
未用冰蠶來海嶠，坐看凍蟻走峨眉。  
人間寒暑相催迫，待寄東谿萬縷絲。

五言絕句

避暑

唐徐凝

斑多筒簟冷髮少，角冠清避暑長林。  
下寒蟬又有聲。

慈恩寺避暑

唐李遠

香荷疑散麝風鐸似調琴不覺清涼晚歸人滿柳陰

七言絕句

香山避暑

唐

白居易

六月灘聲如猛雨香山樓北暢師房夜深起凭闌干立  
滿耳潺湲滿面涼

苦熱題恒寂師禪房

白居易

人人避暑走如狂獨有禪師不出房可是禪房無熱到  
但能心靜即身涼

文殊院避暑

唐  
李羣玉

赤日黃埃滿世間  
松聲入耳即心閒  
願尋五百仙人去  
一世清涼住雪山

夏夜追涼

宋  
楊萬里

夜熱依然午熱同  
開門小立月明中  
竹深樹密蟲鳴處  
時有微涼不是風

大暑

金  
趙元

旱雲飛火燎長空  
白日渾如坐甑中  
不到廣寒冰雪窟

扇頭能有幾多風

大暑登東城

元許衡

三丈危城日暮登，暑威殊不霽。  
憑陵何時太華高峰上，細嚼松陰六月冰。

枕流橋避暑口號

明朱曰藩

竹牀花簟坐蕭閒，好是儂家銷夏灣。  
誰道屏風無九疊，彩雲飛作洞庭山。

暑夜

明僧宗泐

此夜炎蒸不可當  
開門高樹月蒼蒼  
天河只在南樓上  
不借人間一滴涼

御定佩文齋詠物詩選卷二十二

欽定四庫全書蒼要卷一萬八千六百四十五

集部

御定佩文齋詠物詩選卷二十三

涼類

五言古

納涼

梁簡文帝

斜日晚駸駸池塘生半陰避暑高梧側輕風時入襟  
落花還就影驚蟬乍失林游魚吹水沫神蔡上荷心翠竹  
垂秋采丹棗映疎砧無勞夜遊曲寄此託微吟

元圃納涼

簡文帝

登山想劔閣逗浦憶辰陽  
飛流如凍雨夜月似秋霜  
螢翻競晚熱蟲思引秋涼  
鳴波如礙石闍草別蘭香

晚景納涼

簡文帝

日移涼氣散懷抱信悠哉  
珠簾影空捲桂戶向池開  
鳥棲星欲見河淨月應來  
橫階入細筍蔽地濕青苔  
草化飛為火蚊聲合似雷  
於茲靜聞見自此歇氛埃

奉和太子納涼梧下應令

梁庾肩吾

北園涼氣早步輦暫逍遙避日交長扇迎風列短簫山  
帶彈琴曲桐橫棲鳳條懸門開溜水錦石鎮浮橋黑米  
生菰葉青花出稻苗無因學仙藻雲氣徒飄颻

奉和逐涼

梁劉孝威

鐘鳴夜未央避暑起徬徨長河似曳素明星若散璫倚  
巖欣石冷臨池愛水涼月織張敞畫荷妖韓壽香對此  
遊清夜何勞娛洞房

內園逐涼

陳徐陵



昔有北山北今余東海東  
納涼高樹下直坐落花中  
狹徑長無跡茅齋本自空  
提琴就竹篠酌酒勸梧桐

納涼

唐  
王維

喬木萬餘株清流貫其中  
前臨大川口豁達來長風  
漣漪涵白沙素鮪如游空  
偃卧盤石上翻濤沃微躬  
漱流復濯足前對釣魚翁  
貪餌凡幾許徒思蓮葉東

五言律

新秋喜涼

唐  
白居易

過得炎蒸月尤宜老病身衣裳朝不潤枕簟夜相親樓  
月纖纖早波風嫋嫋新光陰與時節先感是詩人

精舍納涼

唐元稹

山景晦已寂野亭變蒼蒼夕風吹高殿露葉散林光清  
鐘初戒夜幽鳥尚歸翔誰復掩扉卧南軒多早涼

池亭納涼

明仁宗

夏日多炎熱臨池憩午涼雨滋槐葉翠風過藕花香舞  
燕來青瑣流鶯出建章援琴彈雅操民物樂時康

七言律

避暑納涼

唐錢起

木槿花開畏日長，時搖輕扇倚繩牀。  
初晴草蔓緣新筍，頻雨苔衣染舊牆。  
十旬河朔應虛醉，八柱天台好納涼。  
無事始能知靜勝，深垂紗帳咏滄浪。

五言絕句

夏日聯句

唐文宗

人皆苦炎熱，我愛夏日長。  
薰風自南來，殿閣生微涼。

秋夜

唐王 建

夜久葉露滴秋蟲入戶飛  
卧多骨髓冷起覆舊絛衣

涼夜有懷

唐白居易

清風吹枕席白露濕衣裳  
好是相親夜漏遲天氣涼

七言絕句

夜涼

唐白居易

露白風清庭戶涼  
老人先著夾衣裳  
舞腰歌袖拋何處  
唯對無絃琴一張

秋涼

宋陸游

園丁傍架摘黃瓜  
邨女沿籬采碧花  
城市尚餘三伏日  
秋涼先到野人家

崇義院雜題

明文徵明

六月門前暑似炊  
殿堂深處未曾知  
晚涼浴罷思歸去  
更為松風竚少時

御定佩文齋詠物詩選卷二十三